

Hilakyoap onnakpalianingga kinggoknakhitivaliaginnaktuk honavaloit alanggokpalianinggitigot Okioktaktomi, hapkonongga nunap eloani kiki aoktoyoituk aoktokpaliaginnalikmat, hivogaanakhitinialiktuk imaknut imikpaktaptiknik. Imaa aoktokpalianingganit hakvalikpaliagomik imaknut kayangnakhitinialiktot (DOM-gonigaktaoyonik) imatlo kingnagikhivalialojitigilogo, naonaituk taimaahilikkat immat koyaginnak kopilgokalikniaktut annialakinnaktonik imaknik imigiami hapingnakhitinialiktuk nikivaloknollo atalikniakhoni, ovalo tokonavaloknollo amigaigotaovalianiakhoni pitjotaoniaktuk. Talvalo, honavaloknot nunami halomaigotaovalianiakhoni, nunap iloa aoktokpalianginnalikat ehomaloknakhitiliktok kanogilivalianighap mighaanot. Kihimitaok hapkoa kolpilgoiyaotitn atoktaovaktot elanggagot naamakpaalaayoinmiyut. Kihimi atokhimmaakpakpaktigik nagoonighaoniaktuk imaotiptiknot, okioktaktomi nunaliit hapkoningga ilittogimatiagiakakmata imaotitik halomavagiaginni annialakinnaitomik enoogiknaktomiklo enoohikatiagiaginni immat halomatiakpakpata. Imam alatkiinik honavalokakmata taimaitomik nahogiyaotiakpaklakivut immat imikpaktavot nunaptikni, ilaaniilo ilihimanggitaptiknik kaoyimanggitaptiknik honavalokalikpakmata ehonokmot nakoovalaanggitonik taimaitomik elitoghaktaogaaginaklakivakput imam imikpaktavot imikavot halomatiakpagiaginni enoohiginnaktomik. Hapkoa naonaiyaktaovaktut oma hivokhikhokhogit Jérôme Comte, ayoighajiyi INRS (Quebec City-mi) pikatikakhoni ayoghanggitonik havakatigiyaminik naonaiyaktit elittoghaiyiolotiklo imalikinikmik okioktaktot pitjotigiplogo. Havaagiyait piksani naonaiyatiakhimavot takyaghat homilikaa imaknik naotiktoivaktot immat imagikpaohiitigot elittogimanahoakhogit. Imakakvikniklo takoogilikpakhotik havaagivagiat hapkoa imangnik takoogivaktot anniagotikagiakhainik immat tamaat halomatkoplogit havaagigamiko.

Imangmiotavaloknik takoogihimayut imangnik atoktaoyonik Mittimatalikmi ekaluktutiamilo Kaohoitomilo immat imigaovaktut tahapkonani nunalingni holi naonaiyakhimmakniaktait takookhimmaaklogit okioni 2020-minggaat 2023-mot pilotik. Nunalitt hapkoa kaitkoyaoniaktut takopkaktitaoyaaginni immanik naonaiyaktaohimayonik (immakaa aoyagiak 2020-mi ehoolijotaohimalikmat anniagotikyoak Covid-19-gonigaktaoyok) ovalo tohaktitaoyaaginni imaktigot imikpagainnik kanoginmagaagitigot kanoklo alanggokhimalingmagaagita hilap okkoohivalianingga kinggoknakhitikmat tamainnot honavaloknot. Kanoklo nunaliit ehomagiyaait naonaiyaotaoyotigot elittoghaotaoyotigollo ovaptiknot ekayoghiotiniakmata havaagiyaghaptiknio. Imakaknikgit takooktaoniaktot imaa naonaiyatiaklogit kanoginmagaagita immat kanoklo hihaikhimalingmagaagita tamatkiotinahoaklotik naonaiyainiaktut tahapkonani nunalingni kihinggoinahoalimaitut takooktakhamingnik.

Hamna havaagiyakot tamainnit pimmagionighaoyuk imangnik takoogijotigiyait naonaiyatiagahoakhogillo imam tamaita halomatiakmagaagita imigaovaktut immat inungnut ehomaloknaitomik immat imigaoyut kinggonakhivaliaginnakmata hilap alanggokpalianinggagot pitjotaoplani.

Kinggolliit naonaiyaktaohimayut imam halomanighaitigot takooktaolakihimayot halomailgotikakninggitigot iamagitiakpagiakhainik tamaita eklokaktut naonaiyaktaoplotik piyaohimayut onniklootaovakhimagaloakmata taimaitomik naonaiyailakilkakivut kakonggogaagat inuit iamakatiakpagiakhainik halomayomik haklovioknaogotigiyomaplogo. Hamna havagiyakot takootiagomagaptigik immat imigaoyot tamainnit nunakakkaakhimayonit imagiktonik imigakakpagiaginnit annialakinnaitomink kitonotlikaa.

Hamna havaagiyakot nunakakkaakhimayut ehomaalongnaitomik imakagiaginni
imiktakhamingnik oblotoagaikpat. Hivonighaptikni taotokniaktogot tamaat halomayonik
imaotikaligiaginni nunalaat maligaghakalikniakhonilo imalignikot halomanighaitigollo immat
tmainik okioktakomi nunalingnut pihimayaagani.